



Publicaziuns officialas dils 26-11-2021

Votaziuns federalas dils 28-11-2021 mira pagina 3 da quest FUS

L'urna ei aviarta (en canzlia communal)

gievgia e venderdis mintgamai duront las uras da spurtegl
dumengia, ils 28-11-2021, dallas 10.00 – 11.00 uras

Sonda e dumengia, ils 27 e 28 da november 2021 mintgamai avon il survetsch divin en las fracziuns.

Ils cedels da votar ein vegni distribui. Tgi ch'ei aunc buc en possess da tals ei supplicaus da s'annunziar tier l'administraziun communal.

Adatg!

Il certificat da legitimaziun ei adina da presentar. Tier votaziuns cun posta ei il certificat da legitimaziun da suttascriber. Senza suttascripziun ei la votaziun nunvaleivla. Nus supplichein da consultar las informaziuns che Vus anfleis sin la cuviarta e sil certificat pil dretg da votar.

Sumvitg, 26-11-2021

Biro electoral

Damondas da baghegiar

Nr. 159/2021

Datum da publicaziun: 26-11-2021
Patrun: Sumvitg Turissem, 7175 Sumvitg
Representant: Allegra Tourismus, 7503 Samedan
Liug e parcella: Rabiun-Igniu; 684
Object: pista da velo (minitrail)

Nr. 160/2021

Datum da publicaziun: 26-11-2021
Patrun: Degonda Heimo, 7176 Cumpadials
Representant: ipz ingenieure + planer ag, 7180 Disentis/Mustér
Liug e parcella: Sumvitg-Salvaplana Sut; 4204, 4205, 8000
Object: nova via d'access

Nr. 165/2021

Datum da publicaziun: 26-11-2021
Patrun: Duff Marcus, 7176 Cumpadials
Representant: Biro d'inschignier Deplazes, 7173 Surrein
Liug e parcella: Cumpadials-Laus; 6628
Object: midadas vid nuegl, nova platta da grascha, cuvrida dil plaz avon stalla e nova cuvrida dil tetg dallas stallas

Nr. 166/2021
Datum da publicaziun: 26-11-2021
Patrun: Pleiv Sumvitg, 7175 Sumvitg
Representant: Simeon Baumanagement SA, 7166 Trun
Liug e parcella: Rabiis-Via Surrein; 236
Object: sanaziun termica, remplazzament dils barcuns cun storas, nova finiastra ella fatschada nord, novs tschabergals sils balcuns

Il profils ein tschentai ed il plans da construcziun ein deponi tier la canzlia communal.
L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Sumvitg, 26-11-2021

Cumissiun da baghegiar

Radunonza da vischnaunca

La proxima radunonza da vischnaunca ha liug mesjamna, ils 15 da december 2021 allas 20.00 uras a Sumvitg.

Gliesta da tractandas

1. Avertura e beinvegni
2. Elecziun da 2 dumbravuschs
3. Protocol dalla davosa radunonza communal dils 15-06-2021
4. Tractaziun ed approvaziun dalla revisiun parziala planisaziun locala – determinaziun dils spazis d'aua, zonas da prighel, zona da protecziun per l'aua sutterrana, plan general d'avertura traffic
5. Tractaziun ed approvaziun dil preventiv communal 2022
6. Fixaziun dils peis da taglia 2022
7. Revisiun dil reglament da traffic (DC 600.000)
8. Tractaziun ed approvaziun dils statuts dall'Uniun Nordic Surselva
9. Elecziun dils delegai per l'Uniun Nordic Surselva
10. Tractaziun ed approvaziun dil project remplazzament finiastras casa da scola Surrein e concessiun dil credit brut da 185'000 francs
11. Orientaziuns
12. Varia

Il preventiv 2022 sa vegnir retratgs sin canzlia durant las uras da spurtegl. Dils documents tier las tractandas 4, 7 ed 8 sa vegnir priu investa sin canzlia communal durant las uras da spurtegl.

Per la radunonza vala in obligatori da purtar masca. Plinavon vegn menau gliesta dils participonts.

Sumvitg, 26-11-2021

Suprastonza communal

Uras d'avertura deponia Igniu

Deponia da verd

Sonda, ils 27 da november 2021 ei per uonn il davos di da menaschi dalla deponia da verd ad Igniu.

Per dar alla populaziun era duront igl unviern la pusseivladad da dismetter pigns quatoms da curdems verds vegn construiu in access che meina dad ina scala sin ina plattaforma. Naven da leu haveis Vus la pusseivladad da better giuaden ils curdems verds. Igl access ei signalisau. Tenor situaziun da neiv ei igl access mintgamai rumiaus dalla neiv il mardis suentermiezdi e la gievgia suentermiezdi. Igl access ei mo pusseivels a pei. Nus supplichein da dismetter mo uorden che s'auda els curdems verds!

Rimnada da plastic

Il container per la rimnada da plastic sesanfla duront il temps d'unviern sper il baghetg economic da vischnaunca ad Igniu. Mintgamai l'emprema mesjamna dil meins naven dallas 08.00 – 18.00 uras san ils sacs da plastic vegnir dismiss el container.

Ulteriuras informaziuns ein disponiblas sin la pagina d'internet www.sumvitg.ch. Per damondas stat l'administraziun communal bugen a Vossa disposiziun (tel.: 081 920 25 00).

Sumvitg, 26-11-2021

Departament ambient

Donaziun fundaziun Greina

Sebasond sin art. 5 dil reglament pertuccont diever dalla donaziun fundaziun svizra per la tgira dalla cuntrada ston damondas per ina contribuziun vid in project vegnir inoltradas alla cumissiun Greina entochen ils **30 da november 2021** digl onn precedent cul formular corrispudent tier l'administraziun communal. Nus supplichein per notizia da quest avis.

Sumvitg, 26-11-2021

Cumissiun Greina

Cussegl pastoral – pleiv Sumvitg

Caras vischinas e cars vischins, giuvens e vegls, era uonn accumpignein nus vus bugen duront il temps d'Advent cun entginas historias ed impuls. Nus envidein vus da far mintgatun ina viseta ellas baselgias da Sumvitg, Cumpadials, Surrein e Rabiis. Las sondas d'advent, ils 27-11, 4-12, 11-12 e 18-12 presentein nus mintgamai ina nova historia cun impuls. Dallas 16.00 legia zatgi avon il text pils pigns che san buc aunc leger ed era per tals che teidlan pli bugen che leger sez. Suenter resta la historia en baselgia tochen la proxima sonda. (A Cumpadials surschein nus il preleger als presents.) Secapescha che la scatla per supplicas persunalas maunca era buc uonn. Bugen astgeis vus formular vos basegns e patratgs a scret, e lu vegnan els purtai avon Diu ellas supplicas ed oraziuns dalla dumengia. Musica e historias san lumiar nos cors! – Advent duei gie esser preparaziun per Nadal. Perquei fagei mintgatun in pign paus en baselgia, reflectei, urei, envidei ina candeila per vusez ni per enzatgi che ha da basegns e selegrei semplamein. Quei fa bein a tgierp ed olma! Da cor giavischein nus a vus in grazius temps d'Advent! *Sur Saji, Alice, Daniela, Doris, Maya, Fabian, Gabriela*

Uniun da dunnas Rabius

Finiastras d'advent

1. Mini Consum, Via Sursilvana 48
- 2.
- 3.
4. Nicole Tuor, Via Gir 5
5. Carin Lechmann, Via Gir 3
6. Ramona Berther, Tschuppina
- 7.
8. Rita Berther, Via Sursilvana
9. Gabriela Lutz, Via Sursilvana 9
10. Jasmine Cajacob, Via Sutvitg 9
11. Iris Deplazes, Via Surrein 5, vart sid
12. Marietta Sgier, Via Surrein 12
13. Scolas Rabius
14. Natalia Tuor, Via Caho 6
15. Sandra Bearth, La Gassa 2
16. Annamaria Fry, Via Caduff 6
- 17.
18. Cornelia Vogel, Via Caduff 3
19. René Maissen e Kaspar Niederberger, Casa Patgific, anteriur pasterner
20. Stefania Bearth, Via Cavivens 3

Uonn fagein nus buca l'usitada spassegiada comunabla. **La dumengia, ils 19 da december** vegn purschiu naven dallas 18.00 ina buna suppa cun apero el liber avon la casa Patgific a Cavivens. Tuts ein cordialmein envidai. Ei vala las reglas actualas da Covid-19. *La suprastonza, Uniun da dunnas Rabius*

Meisa da miezdi (gentar comunabel) dalla Pro Senectute a Cumpadials

Pro Senectute Surselva organisescha ensemen cun Nadja Scolieri ell'«Ustria dalla Staziun» a Cumpadials ina meisa da miezdi (gentar comunabel) inagada per meins, mintgamai il venderdis. Intent dalla meisa da miezdi dueiesser da promover la cuminonza ella vischnaunca da Sumvitg e contuorn denter las personas ella vegliadetgna dalla pensiuin. **Obligaziun ei il certificat Covid tenor prescripziun dalla Confederaziun**

Liug: «Ustria dalla Staziun», 7176 Cumpadials

Datum: venderdis, ils 10 da december 2021, 12.00

Annunzias: Ein da far entochen **mesjamna**-sera tier «Ustria dalla Staziun», Cumpadials, tel. 081 943 19 22

Apparat d'udida

Gliendisdis, ils 6 da december 2021 saveis Vus schar schubergiar e rugalar Vies apparat d'udida:

9.15–10.30 en Casa sogn Martin a Trun

11.00–11.45 en Casa sogn Giusep a Cumpadials

13.15–14.30 el Puntreis, Center da sanadad a Mustér

Dunna Giger dalla firma Amplifon e signur Gfeller dalla firma sorprendan comunabla-mein quei survetsch gratuit per tuts interessents. Ei drova negina annunzia.